



ქალაქ თბილისის მერი

ბრძანება № 21

" 9 " ივლისი 2010 წ.



№ 05  
საქართველოს იუსტიციის  
სამინისტრო  
შეტანილია ნორმატიული აქტების  
სახელმწიფო რეესტრში და მიწიქაზული  
აქტის სახელმწიფო სარეგისტრაციო კოდი  
" 14 " 07 2010 წ.  
№ 010 260.000.38 101.000.101

ქ. თბილისი

ქალაქ თბილისის მერის პირველი მოადგილის (ვიცე-მერის) აპარატის (სამსახურის) დებულების დამტკიცების შესახებ

„საქართველოს დედაქალაქის – თბილისის შესახებ“ საქართველოს კანონის 22-ე მუხლის მე-3 პუნქტის „ნ“ ქვეპუნქტის, „ქ. თბილისის მერიის დებულების დამტკიცების შესახებ“ ქალაქ თბილისის საკრებულოს 2006 წლის 12 ოქტომბრის 1-1 გადაწყვეტილებით დამტკიცებული ქალაქ თბილისის მერიის დებულების მე-9 მუხლის პირველი პუნქტის „კ“ ქვეპუნქტის, საქართველოს ზოგადი ადმინისტრაციული კოდექსის 61-ე მუხლის საფუძველზე.

ებრძანებ:

1. დამტკიცდეს ქალაქ თბილისის მერის პირველი მოადგილის (ვიცე-მერის) აპარატის (სამსახურის) დებულება, დანართის თანახმად.
2. ძალადაკარგულად გამოცხადდეს ქ. თბილისის მერის 2006 წლის 26 ივნისის №28 ბრძანება „ქალაქ თბილისის მერიის ადმინისტრაციის პრემიერის აპარატის (სამსახურის) დებულების დამტკიცების შესახებ.“
3. ბრძანება ძალაში შევიდეს გამოქვეყნებისთანავე.

ქ. თბილისის მერი

გიორგი უგულავა

დანართი:  
ქ. თბილისის მერიის 2010 წ.  
9 ივლისის № 21 ბრძანებისა

ქალაქ თბილისის მერის პირველი მოადგილის (ვიცე-მერის) აპარატის (სამსახურის) დებულება

მუხლი 1. ზოგადი დებულება

1. ქალაქ თბილისის მერის პირველი მოადგილის (ვიცე-მერის) აპარატი (სამსახური) (შემდგომში - აპარატი) არის საქართველოს კანონმდებლობის შესაბამისად შექმნილი ქალაქ თბილისის მერიის ადმინისტრაციის სტრუქტურული ერთეული, რომელიც ორგანიზაციულად უზრუნველყოფს ქალაქ თბილისის მერის პირველი მოადგილის (ვიცე-მერის) საქმიანობას.
2. აპარატი თავის საქმიანობაში ხელმძღვანელობს საქართველოს კონსტიტუციით, „ადგილობრივი თვითმმართველობის შესახებ“ საქართველოს ორგანული კანონით, „ქალაქ თბილისის მერიის დებულების დამტკიცების შესახებ“ ქალაქ თბილისის საკრებულოს 2006 წლის 12 ოქტომბრის №1-1 გადაწყვეტილებით, ამ დებულებითა და სხვა სამართლებრივი აქტებით.
3. აპარატი ანგარიშვალდებულია ქ. თბილისის მერის პირველი მოადგილისა (ვიცე-მერის) და მერიის ადმინისტრაციის უფროსის წინაშე.

მუხლი 2. აპარატის უფლება-მოვალეობანი

1. აპარატი თავისი კომპეტენციის ფარგლებში უფლებამოსილია:
  - იმოქმედოს ქალაქ თბილისის მერის პირველი მოადგილის (ვიცე-მერის) სახელით და მისი დავალებით მითხოვოს და მიიღოს მერიის სტრუქტურული ერთეულებიდან, სახელმწიფო და თვითმმართველობის სხვა ორგანოებიდან ის ინფორმაციები, რომელიც ეხაჭიროება აპარატს მერის პირველი მოადგილის (ვიცე-მერის) დავალებათა შესასრულებლად.
2. აპარატის ვალდებულებებს განეკუთვნება:
  - ა) ქალაქ თბილისის მერიის, ქალაქ თბილისის მერის პირველი მოადგილის (ვიცე-მერის) სახელზე შემოსული კორესპონდენციების მიღება, მომზადება და შესაბამისი წინადადებებით (რეზოლუციის პროექტი, მოსაზრება) მერის პირველი მოადგილისათვის (ვიცე-მერის) წარდგენა;
  - ბ) ქალაქ თბილისის მერის პირველი მოადგილის (ვიცე-მერის) მიერ განხილული კორესპონდენციების ქალაქ თბილისის მერიის ადმინისტრაციის საორგანიზაციო სამსახურისთვის ოპერატიულად მიწოდება;
  - გ) ქალაქ თბილისის მერის პირველი მოადგილის (ვიცე-მერის) მიერ მოქალაქეთა მიღებასთან დაკავშირებული საკითხების ორგანიზაციული და დოკუმენტური უზრუნველყოფა ინფორმაციის წინასწარი მოპოვებისა და დამუშავების გზით;

დ) მოქალაქეთა მიღების პროცესში ქალაქ თბილისის მერის პირველი მოადგილის (ვიცე-მერის) მიერ გაცემული დავალებების აღრიცხვა და ქალაქ თბილისის მერიის შესაბამისი სამსახურებისათვის გადაცემა;

ე) მერის პირველი მოადგილის (ვიცე-მერის) ოფიციალური მიღებებისა და ვიზიტების ორგანიზაციული უზრუნველყოფა, ქალაქ თბილისის მერიის ადმინისტრაციის პროტოკოლისა და დიპლომატიურ წარმომადგენლობებთან ურთიერთობის სამსახურთან ერთად;

ვ) ქალაქ თბილისის მერის პირველი მოადგილის (ვიცე-მერის) ბრიფინგების ორგანიზაციული უზრუნველყოფა, ქალაქ თბილისის მერიის ადმინისტრაციის საზოგადოებასთან და მედიასთან ურთიერთობის სამსახურთან ერთად;

ზ) ქალაქ თბილისის მერის პირველი მოადგილის (ვიცე-მერის) მიერ სხვა სამსახურებრივი დავალებების შესრულება.

### მუხლი 3. აპარატის ხელმძღვანელობა

1. აპარატს ხელმძღვანელობს აპარატის უფროსი, რომელსაც თანამდებობაზე ნიშნავს და თანამდებობიდან ათავისუფლებს ქალაქ თბილისის მერიის ადმინისტრაციის უფროსი.

2. აპარატის უფროსი:

ა) უშუალოდ წარმართავს და ხელმძღვანელობს აპარატის საქმიანობას;

ბ) პასუხს აგებს აპარატზე დაკისრებული ვალდებულებების შესრულებაზე;

გ) უზრუნველყოფს აპარატის მუშაობის ორგანიზებას, თანამშრომელთა შორის მოვალეობის განაწილებასა და მათი შესრულების კონტროლს;

დ) ახორციელებს კანონმდებლობით გათვალისწინებულ სხვა ფუნქციებს;

3. აპარატის უფროსი ანგარიშვალდებულია ქალაქ თბილისის მერის პირველი მოადგილისა (ვიცე-მერის) და მერიის ადმინისტრაციის უფროსის წინაშე.

### მუხლი 4. დასკვნითი დებულებები

1. ყველა ის საკითხი, რომელსაც არ ითვალისწინებს წინამდებარე დებულება, რეგულირდება საქართველოს მოქმედი კანონმდებლობითა და შესაბამისი ადმინისტრაციულ-სამართლებრივი აქტებით.

2. აპარატის რეორგანიზაცია, მისი საქმიანობის შეწყვეტა (გაუქმება, ლიკვიდაცია) ხორციელდება მოქმედი კანონმდებლობით დადგენილი წესით.